



Ofisu husi
Vise Prokurador Jeral
Ba Krimes Graves
Timor Leste

INFORMASAUN OHIN LORON UNIDADE KRIMES GRAVES 22 Novembru 2004

8 KASTIGU BA KRIMES KONTRA UMANIDADE

Iha dia 16 de Novembru 2004, Painel-Painel Espesil ba Krimes Graves fo hasai dezisaun ikus ba kazu rua maka kastigu ema nain walu tanba oho hanesan Krimes kontra umanidade. Ho dezisaun nee, ema nain 63 hetan kastigu tiha ona husi Espesil Painel-Painel ba Krimes Graves nian.

Kastigu ba eis milisi Sakunar ida

Iha dia 16 de Novembru 2004 Espesil Painel ba Krimes Graves nian iha Tribunl Distritu Dili, fo hasai sira nia dezisaun ikus iha kazu husi Vise Prokurador Jeral kontra Mateus Lao. Lao hetan dezisaun sala katak konaba oho hanesan krime ida kontra umanidade no hetan kastigu tinan 8 iha komarka.

Painel husi juis sira maka sira nia prezidente husi Juis Brigitte Schmid fo dezisaun katak Mateus Lao maka membru milisi Sakunar ida husi Passabe, Distritu Oecussi no katak nia involve kedas iha oho Josef Maknaun. Vitima hetan oho iha dia 9 de Setembru 1999, wainhira nia koko atu halai ba Timor Osidental hamutuk ho nia familia sira.

Akuzadu ema nain 7 sujere sira nia rekoeesementu sala

Moos iha dia 16 de Novembru, Espesil Painel ba Krimes Graves husi Tribunl Distritu Dili sira nia prezidente maka Juis Siegfried Blunk, fo hasai nia dezisaun ikus konaba kazu Vise Prokurador Jeral kontra Agostinho Cloe, Agostinho Cab, Lazarus Fuli, Antonio Lelan, Lino Beno no Domingos Metan, nebe sira hotu rekoeñese sala ba oho hanesan krime ida kontra umanidade.

Painel husi juis ema na'in neen simu katak akuzadu ema na'in neen ne'e, membrus husi milisi Sakunar, maka involve kedas iha oho ema na'in 3 iha Suco Netensuan iha dia 16 de Setembru 1999. Agostinho Cab, Lazarus Fuli, Antonio Lelan, Lino Beno no Domingos Metan sira ida-ida hetan kastigu tinan 5 iha komarka depois Agostinho Cloe hetan kastigu tinan 4.

Akuzadu seluk husi kazu ne'e maka involve, Anton Lelan Sufa, moos rekoeñese tiha ona katak nia sala no hetan kastigu iha data dia 8 de Novembru 2004. Espesiál Painel husi juis sira, sira nia prezidente maka Juis Blunk fo dezisaun katak nia sala duni ba oho ema na'in rua no enkargu hahalok ida seluk maka la umanidade. Ema akuzadu na'in 7 orden sira nia kastigu komesa iha data dia 25 de Novembru 2004.

Semana kotuk, Rezolusaun husi Konsellu Seguransa Nasaun Unidade iha No. 1573, louva progresu husi prosesu krimes graves nian to'o ramata hotu inkontru hotu-hotu iha data dia 20 de Maio 2005. Fulan ida ne'e, ba primeira feis especial painel dala tolu nian komesa hala'o inkontru ba ba kazu krimes graves nian. Iha inkontru laran iha Espesial Painei nia oin to'o data, 63 ema akuzadu ne'e hetan kastigu tiha ona pelumenus enkargu ida hafoin akuzadu na'in 2 seluk hetan libertasaun ona.